



**PEKELILING PENTADBIRAN
BILANGAN 53 TAHUN 2016**

**BAYARAN KHAS TAHUN 2016
DI UNIVERSITI TEKNIKAL MALAYSIA MELAKA
(UTeM)**

Pejabat Pendaftar
19 Disember 2016

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan

PEKELILING PENTADBIRAN BIL. 53/2016

**BAYARAN KHAS TAHUN 2016
DI UNIVERSITI TEKNIKAL MALAYSIA MELAKA (UTeM)**

1.0 TUJUAN

Pekeliling Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai keputusan pihak Universiti atas kelulusan secara edaran Lembaga Pengarah Universiti pada 10 Disember 2016 yang bersetuju menerima pakai dengan pindaan Pekeliling Perkhidmatan Bilangan 10 Tahun 2016 "Bayaran Khas Tahun (BKT) 2016" di Universiti Teknikal Malaysia Melaka.

2.0 LATAR BELAKANG

- 2.1 Kerajaan telah memutuskan supaya BKT 2016 sebanyak RM500.00 dibayar kepada pegawai Perkhidmatan Awam Persekutuan.
- 2.2 Kerajaan juga bersetuju memberi BKT 2016 sebanyak RM250.00 kepada pesara Kerajaan yang menerima pensyen.

3.0 PELAKSANAAN

- 3.1 BKT 2016 diberi kepada semua Staf Universiti yang masih berkhidmat pada tahun 2016, tertakluk kepada syarat bahawa staf telah berkhidmat sekurang-kurangnya 30 hari berturut-turut termasuk semua jenis cuti bergaji penuh, Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2016 hingga 31 Disember 2016.

4.0 STAF YANG LAYAK

- 4.1 Tertakluk kepada perenggan 3.1 di atas, Staf Universiti yang layak dibayar BKT 2016 adalah seperti berikut:

- 4.1.1 staf lantikan tetap, sementara dan *contract of service*;
- 4.1.2 staf yang bercuti separuh gaji tetapi tidak sepanjang tahun 2016;
- 4.1.3 staf yang bercuti tanpa gaji tetapi tidak sepanjang tahun 2016; dan
- 4.1.4 staf yang dipinjamkan ke agensi yang diasingkan pengurusan saraannya atau badan antarabangsa atau syarikat swasta tetapi tidak sepanjang tahun 2016.

5.0 STAF YANG TIDAK LAYAK

- 5.1 staf yang berkhidmat kurang daripada 30 hari berturut-turut dalam tahun 2016;
- 5.2 staf yang bercuti separuh gaji sepanjang tahun 2016;
- 5.3 staf yang bercuti tanpa gaji sepanjang tahun 2016;
- 5.4 staf yang dipinjamkan ke agensi yang diasingkan pengurusan saraannya atau badan antarabangsa atau syarikat swasta sepanjang tahun 2016;
- 5.5 staf yang dikenakan hukuman tatatertib dalam tahun 2016; dan
- 5.6 staf yang ditamatkan perkhidmatan demi kepentingan awam dalam tahun 2016.

6.0 STAF YANG DITANGGUHKAN PEMBAYARAN KHAS TAHUN 2016

- 6.1. Staf yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib, ditangguhkan pemberian BKT 2016. Pegawai hanya layak dibayar BKT 2016 sekiranya Pihak Berkuasa Tatatertib mendapati pegawai tersebut tidak bersalah.

7.0 PESARA

- 7.1 Pemberian BKT 2016 kepada pesara Kerajaan yang menerima pencen akan dibayar oleh Jabatan Perkhidmatan Awam (JPA) sebanyak RM250.00.

- 7.2 Staf yang bersara dalam tempoh 1 Januari 2016 hingga 31 Januari 2016 hanya layak dibayar BKT 2016 sebanyak RM 250.00.
- 7.3 Bagi staf yang bersara dalam tempoh 31 Januari 2016 hingga 31 Disember 2016 layak dibayar BKT 2016 sebanyak RM500.00, tertakluk kepada syarat staf telah berkhidmat sekurang-kurangnya 30 hari berturut-turut termasuk semua jenis cuti bergaji penuh dan cuti separuh gaji serta Hari Rehat Mingguan, Hari Kelepasan Mingguan dan Hari Kelepasan Am dalam tempoh 31 Januari 2016 hingga 31 Disember 2016. Pembayaran sebanyak RM250.00 akan dibuat oleh Jabatan Perkhidmatan Awam dan bakinya sebanyak RM250.00 akan dibayar oleh Jabatan di mana staf berkhidmat pada bulan pembayaran.
- 7.4 Bagi Pesara yang dilantik semula secara '*contract of service*' dalam tahun 2016 layak dibayar BKT 2016 sebanyak RM500.00 sahaja tertakluk kepada staf telah berkhidmat sekurang-kurangnya 30 hari berturut-turut termasuk semua jenis cuti bergaji penuh, Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2016 hingga 31 Disember 2016. Pembayaran sebanyak RM250.00 akan dibuat oleh JPA dan bakinya sebanyak RM250.00 akan dibayar oleh jabatan staf berkhidmat pada bulan pembayaran.

8.0 PEGAWAI MENINGGAL DUNIA DALAM PERKHIDMATAN

- 8.1 Staf yang meninggal dunia dalam tempoh 1 Januari 2016 hingga 29 Januari 2016 hanya layak dibayar BKT 2016 sebanyak RM250.00. Pembayaran kepada mana-mana penerima Pencen Terbitan yang layak di bawah undang-undang pencen sebanyak RM250.00 tersebut akan dibuat oleh JPA.
- 8.2 Bagi staf yang meninggal dunia dalam tempoh 30 Januari 2016 hingga 31 Disember 2016 layak dibayar BKT 2016 sebanyak RM500.00 tertakluk kepada staf telah berkhidmat sekurang-kurangnya 30 hari berturut-turut termasuk semua jenis cuti bergaji penuh, Hari Rehat Mingguan, Hari Kelepasan Mingguan dan Hari Kelepasan Am dalam

tempoh 30 Januari 2016 hingga 31 Disember 2016. Pembayaran kepada mana-mana penerima Pencen Terbitan yang layak di bawah undang-undang pencen sebanyak RM250.00 akan dibuat oleh JPA, manakala baki sebanyak RM250.00 akan dibuat oleh jabatan terakhir staf berkhidmat.

9.0 TANGGUNGJAWAB PEMBAYARAN

- 9.1 Pembayaran BKT 2016 ini adalah menjadi tanggungan Jabatan di mana staf berkhidmat pada bulan pembayaran.
- 9.2 Pembayaran kepada staf yang layak akan dibuat melalui Permohonan Pembayaran bermaksud pembayaran terus dikreditkan ke dalam bank akaun staf.

10.0 TARIKH PEMBAYARAN

- 10.1 Lembaga Pengarah Universiti melalui kelulusan secara edaran pada 10 Disember 2016 telah bersetuju untuk meluluskan pembayaran Bayaran Khas Tahun 2016 pada 20 Disember 2016 bersekali dengan bayaran gaji bulan Disember 2016 yang akan dikreditkan terus ke akaun staf yang berkecualan.

11.0 TARIKH KUAT KUASA

- 11.1 Pekeliling Pentadbiran ini berkuat kuasa mulai tarikh 11 November 2016.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/wns

